

جریدہ علیہ

مشیخت جلیلمہ اسلامیہ نمک جریدہ رسمہ سید

ربیع الاول ۱۳۳۷

عدد ۴۱

آیدہ بر نشر اول نور

دوبئی سنہ

صومه بکنزه من . دیمک بونلرک عذابلریده بربرینه بکنزه میه جک . ننه کیم چالیشمایان
آج قالیر ، دوست یاردجی قازانمایان پریشان اولور . جاهلار تهلیکهیه ، خائشر ، ظالملر ،
عدل وانتقامه دوشر . دیمک که کناهم چوق توبه لر اولسون دیمکه ایش بتمیه جک
هم کناهلری میزی بیله جکزه نفس میزی محاسبه ایده جکزه . هم هانکی کناهک هانکی جزایه
چارید ریضی ده آکلامقه چالیشه جغز . و بویله جه مقدرات میزی تهین ایده جکزه . کل سنکله
قونوشلم . کناهلری میزه برکوز کچیره لم ، فلاکت مزک باشی اولان کناهلی بوله لم ، اوکا کوره
توبه منزه باشلایه لم ، حقدن اجر ایستیه لم .

ای مسلمان لافم سکا اولماسیدی کناهک باشنده ایمانسنلری صایاردم . لیکن بن
سنکله قونوشیورم . سنک نیم کناهمزدن بحث ایدیورم . شمدی سکا بتون ایمانله سویلرم که
کناهمزه باشی جماعتسنلکدر . سنی بی اخلاقسنل ایدن ، یاردمسز ، قوتسنل براقان بیوک
بیوک عمللردن ، امللردن آلیقویان ، هوا وهوسنه قایدیرونده سفااهلره ، رزاللره غرق
ایدن الهی اونوتدیروب ، شوکا بوکا بیون اکدیرن ، جماعتسنلکدر . دینلر ایچنده دین
اسلام اک اجتماعی بر دین ایکن ، میلیونلره انسانلری مبارک بر وجود کی حرکت
ایتدیره جک بر روح ایکن مسلمانلر قدر اجتماعی ضعیف ، فعالیت اجتماعی دن محروم ،
مراقبه متقابلدهن بی خبر یاشایان ملت کورلیور ، بو اک بیوک کناهی رلق سکا باشقه
بر کون ایضاح ایدیم .

دارالحکمة الاسلامیه فقه انجمنی اعصانندن

محمد محمدی

استمرار

قرآن عظیم الشانک حاوی اولدوغی بونجه احکام وحکم عالیدهن بشقه بر سنت الهیه
اولمق اوزره دایما آرز بر تفاوتله تکرر ایدن حیات بشرک صفحات متعاقبه سنی کوسترن
قسملرده نه درین عبرتلر مندرجدر! ارباب صلاح وحسن عاقبتلری ، اهل فساد ومأل
شقاولتلی ، ظالملر وهلاک محققلی ، مظلوملر وخلاص موقوفلی ، پیغمبران عظام
وهضم آهنیلری ، فرعونلر وجزای تجبرلری والحاصل تظاهرات بشریه دن هان بر شی
بولماز که اک موجز ومعجز اسلوب ایله قرآن کریمده اسرار ومداریله تصویر ایدلش
اولماسین . کتاب مبین عرشدن ، کرسیدن ، سمدن ، آفاقدن غایت عبرت آمیز بر

صورتده بحث ایدرکن فطرت انسانی و سر اثر انفسیه نك تدقیقاتنه انتقال ایدر و بونلرک عالم شهودده کی تجلیاتی نتایج دنیویه و عواقب اخرویه سیله تفصیل ایده رک کرک بو عالمده کرک او عالمده قوانین الهیه نك طرز جریانندن انسانی خبردار ایدر .

قرآن کریمده بو وجهله بالخاصه مظهر اعتنا اولان انبیا و اقوام سالقه دن بری ده حضرت موسی ایله قومی اولدوغی معلومدر . وقتا که حضرت موسی فرعونک طویلادیفی ساحرلره قارشى القای عصا ایله احراز غلبه ایدوب فرعونک عنزی حق ایچون غالب اوله جقلمی ادا ایدن ساحرلر مغلوب و بو وجهله بیلکیلری سحر اولمقله برابر کندیلری قورتاروب ایمان ایتدیلر . فرعون قرناى سوئک تسوالاتیه طغیان وعدوانی تشدید ایده رک قوم موسایی یکیدن تهدید ایله قهر ایتمهک باشلادی . حضرت موسی ایسه منسوب اولدوغی مظلوم قومی ، نه قدر قوتلی موانعه تصادف ایتسه ده بر کره قوتاره جفته ایمان و قورتارمغه عنزم ایتمش اولدوغندن اونلری دوچار اوله جقلمی بلانری دکل ، بلکه واصل اوله جقلمی سعادتى دوشونمهک سوق ایتک صورتیه قلملری قوتلندیرمک ایچون اونلره دیدی که :

(استعینوا بالله و اصبروا)

الاهندن استمداد ایدیکز . الله ذوالجلال که عالمه وضع ایتدیکی قوانین ازلیه سیله عدالت مطلقه سی انفاذ ایتمهکده وذات اجل و اعلا سندن باشقه عالمده تدبیر و تصرف کندینه راجع اولدوغی بر ذات بولنامه مده در . بو صفت عظمه سیله جانب الوهیتدن معاونت ایسته یکز که سزده بونک فیض جیلندن وایه دار اولوب بر کون مدد الهی یه لیاقت پیدا ایدر ، و نهایت مالک الملک حضرت تلمی نك تصرفات عجیه سیله عون صمدانی یه مظهر اولورسکز . بو بایده محدودیت فکریه وضعف بنیه کزدن طولانی استعجال کوسترمک ایسترسکز . حکیم مطلق حضرت تلمی نك هر آنده اظهار بیوره جقلمی بیک درلو خفایای حکم آنجق تدریجاً ظهوره کله جکندن بونلره انتظاراً صبر ایدیکز .

بشریتک مهد ظهوری ارض ایسه ده شرط کمالی ارضده قراردر . چونکه کالات بشریه یوکسک درجه ده تعاونک وقوعنه ، بوده بر یاندن تقسیم عمله ، بر یاندن بر چوق اماکن و آلاته وابسته اولدوغی ، بونلرک استیفاسی ایسه آنجق بریده قرار ایله

ممکن بولندوغی آشکاردر . دیگر جهندن بر یرده قرار انسانه بر طاقم حقوق تأمین ایدرکه دخیل اولانلر بوندن محرومدر . افراط وتفریطدن هیچ بر وقت حالی قالمیان طینت بشریه بو امتیازی سوء استعمال ایله ظلمه قدر کوتورمکدن محظوظ اولیور کی کورونیور . ایشته قوم موسانک مصرده دوچار اولدقلری ظلمده بورادن نشأت ایتشدی . حضرت موسی ایسه انسانلرک فانی اولدقلرینی مشاهده ایتدیکندن ونور نبوتله مالک حقیقینک آنجق الله ذوالجلال اولوب تصرفه دیلایکینی استخلاف ایلدایکینی بیلدیکندن اولابر یرده قرار قیلمق ایله ممکن اولان کمال وسعاده قاووشدیرمه هنرم ایتدیکی قومی فتوردن قورومق ایچون اولنری بو قانون الیهیدن خبردار ایتمه لزوم کوردی ویدی که :

(ان الارض لله یورثها من یشاء من عباده)

یر الله کدر ، فانلرک مالکیت ادعا ایتلری قدر غریب برشی اولماز . بونلر ایچون یالکز سلفدن خلفه انتقال صورتیه تصرفاً بر وراثت اولایلیرکه بونک ایچونده مالک حقیقی ارضی قوللرندن دیلایکینه موروث قیلار . شو حالده مالک الملک حضرتلرندن دائماً امید وار اولوب عنایت صمدانیه سنه منتظر اولمق لازمدر .

مشیت الهیهنک اکثر احوالده نه درلو تجلی ایده جکی مجهول اولدوغندن بوقدرله قوم موسی ترددن آزاده اوله مازلردی . بونکده ازاله سیله نتیجهنک تبشیری ایچون قوانین ازلیه الهیهدن برینه ده استناد ایده رک حضرت موسی دیدی که :

(والعاقبة للمتقين)

دنیا ده و آخرتده ایشک صوکی اللهیدن قورقانلرک لهنه در . اللهیدن قورقانلر دنیا ده و آخرتده الله معیندر .

۱۵ صفر ۱۳۳۷ و ۲۰ تشرین ثانی ۱۳۳۴

دارالحکمة الاسلامیه اعضاسندن

اشرف اقدی زاده

سوکنی